

國方志叢書·華中地方·第九〇七號

據

清·王肇渭等修·郭崇輝等纂
清同治十二年刊本

影印

江 西 省

遂川縣志



成文出版社有限公司印行

遂川縣志卷十一

人物志

上

經濟

循良

忠義

孝友

古者選舉始於鄉里重鄉評也鄉先生沒則祭於社

功令瞽宗之祀亦名鄉賢此舊志鄉賢所由稱歎然而秉川
嶽之精英萃江山之秀氣其地既靈其人斯傑泉邑人物
挺生由宋而來於今爲烈其中出處不必一轍顯晦不必
一途以及德行道藝不必一致既高山之可仰自景行之
維殷爰表前型以爲後勵作人物志

經濟

宋

蔣賁字國華南鄉人天聖庚午進士通判廣信軍有心計嘗募
江南船匠造鎖袱船人工物料比舊減省而可以興漕運之

人物上

剽杜侵欺之姦歐陽修奏取其法行之皇祐中三司使田況薦其材擢度支判官時西師宿邊召募之籍廣宗室子廩於京師歲益蕃衍有司校經費之數視景德或相倍蓰資通知源流利病與况議出入之數况乃爲皇祐會計錄上之後召爲鹽鐵判官祀鄉賢祠

參府志

蕭世京字昌儒永興鄉人嘉祐丁酉進士爲欽州司理有大姓育外氏孤而沒入其貲復誣以盜訟於官世京鈎得其情大姓伏罪悉以貲還之移知池州銅陵入主管在京右廂店宅務數上疏論事擢開封錄事參軍出爲廣路提舉常平公事時蔡京爲戶部尙書平章事矜已自任世京多與之忤因舉奏蔡京十事京由是銜之罷歸吏部會徽宗於禁中得世京所上書卽擢爲吏部員外郎右選冗雜吏因緣爲姦世京命

在選者齎聞閱自言詰其功過而進退之遷廣東南路轉運副使賜金紫有番商蒲欽者多畜異貨吏所需則與之因負勢橫甚世京按其罪治之子拱辰提點荆浙銅鐵坑冶鑄錢公事敍辰江南西路提刑祀鄉賢祠

郭知章字明叔光化鄉嶺上人治平乙巳進士從劉彝廣西幕府知浮梁分甯縣黃履薦爲御史以憂不克拜服除有薦於中丞劉摯者摯欲其一見知章謝不往曰甯有呈身御史耶歷知海州濮州提點梓州路刑獄復以鄭雍顧臨薦召爲監察御史轉殿中侍御史遷右司諫在職數年凡百餘奏若復銓法增諫員通行募役用經學取士皆關朝廷大體嘗言爵祿慶賞以勸天下之善願毋以假借大臣使行私恩刑罰誅戮以懲天下之惡願毋以假借大臣使快私忿忠於陛下者

見忌大臣黨於大臣者必上負陛下擢工部侍郎遷中書
舍人蔡卞援其黨董必除比部侍郎知章以其嘗使廣西起
大獄陷元祐舊臣大無狀疏論列之避不草制羣議撻之元
符間契丹遣使爲夏人勸和河西事以知章報聘卽言曰前
使使人多以語言禮數相勝不達兩朝通好之義非使旨也
使人服其至誠不敢出詭計至論夏國封爵土地乃朝廷賜
與自元昊叛命將帥以兵取之今雖謝罪納欵以禮度之藩
臣有過削地豈有復還之理使人語塞尋以寶文閣直學士
知太原府請展南城包據高阜以捍禦外寇括營田募弓箭
手以代禁卒朝廷是其計召拜刑部尚書知開封府爲翰林
學士晉顯謨閣直學士以議河事不協出知鄧州移知成都
坐元祐黨籍落職奉祠崇甯中起知虔州郡人陽行先高尙

不仕知章薦於朝召而官之改知青州以疾請辭復直閣學士正和四年卒年七十有五天子悼之遣官諭祭賜諡文毅知章工詩律嘗與黃庭堅唱和有文集行世祀鄉賢祠

參府志

梁俊字克端南城人元豐五年進士授南安推官廉明多所興除民有繼母欲殺害前母子走免訴於官有司莫能窮俊鞠之緩其獄誘以善言使自悔不踰月天降迅雷示震驚母果服慈愛如已出子亦盡孝養事聞上曰卿明見燭理上格天心誠國家棟樑材也賜詔褒美尋擢侍御史彈劾不避權貴首論蔡卞章惇之奸次言朝廷不宜樹黨風範凜然未幾以天章閣待制提舉中太乙宮出爲河北都轉運使兼治河安撫以疾終於官所著有南城雜稿景行集

郭孝友字次仲光化鄉嶺上人知微孫政和乙未進士第三人

除國子學正尋遷司業宣和中蔡京再相天下益多事孝友
因奏對燕雲事言官攻之謫瑞金丞建炎初起知筠州召爲
禮部員外郎朝廷欲選清嚴有夙望者使兩廣乃以孝友提
點東路刑獄明年復移西路孝友捐撤騶從身親按厯守令
罷軟貪殘不勝職者連章劾罷之舊制吏獲強盜其數應格
者則賞有司旁緣生文至以他盜足其數其未論決而病死
者皆許通計事出遷就於是有僥倖冒濫者孝友始疏於朝
請俟論決而後計數其病死者不與若獲他盜卽聽別計朝
廷是之因著爲令在部三年所薦士多爲名臣若丞相朱倬
侍郎林覺皆其薦也時詔侍從舉可爲監司者桂帥胡舜陟
以孝友應詔且請畱任孝友不可請辭歸召人遷起居舍人
除權工部侍郎秦檜主和議與朝士大夫多不合檜以孝友

所嘗厚同舍生欲其附和助已私詭之孝友曰議和非附稱
計因逮銷兵如後患何檜不憚曰次仲亦爾也尋以敷文閣
待制致仕祀鄉賢祠

參府志

孫逢吉字從之北鄉人叔通姪孫隆興癸未進士授郴州司戶
調常德教授李燕劉琪鄭伯熊劉焯相繼薦之知萍鄉縣禮
諸生榜講堂曰崇勵刻石曼卿所書經史於上買田爲義莊
捐俸置社倉輟帑代民輸除國子博士兼實錄院檢討官遷
秘書郎紹興二年春雷雪交作詔求直言疏入事去蔽諛親
請諫仲論駁崇氣節省用度惜名器拔才武飭戎備皆切中
時病攬爲右正言首論帝王心學推明經世之用又建言都
城之民安居憚徙宗戚營繕寢廣每建一第撤民居數百怨
咨者多時親王更造樓觀未已聞之亟令罷役在諫垣七十

日章二十上詞令劉劭皆人所難言者改國子司業求去劉
丞相爾之違告曰官以諫名不得其言可留乎請去益堅出
爲湖南提刑改秘書少監上受內禪以逢吉舊學除權吏部
侍郎孝宗升將復祧廟逢吉言太祖造邦與漢高帝同而
宋正東向之位當於此時更定朱子言殷周之祖是謂稷契
禮不遠稽三代乃近法漢唐耶逢吉曰我宋之興與商周異
安得與稷契比逮朱罷去逢吉獨以爲不可入講帷輿之詩
反覆諷諫上顧逢吉曰朱熹言多不可用逢吉曰熹議祧廟
與臣不合他所言皆正未見其不可用願留之以重經筵會
彭龜年補郡逢吉入疏曰道德崇重陞而所敬禮者無若朱
熹志節端亮陛下所委信者無若龜年今皆以論佞冑黜臣
恐賢者無固志陛下所用皆庸鄙貪濁之徒何以立國又嘗

扈從重華宮上行禮畢駕與扈從者出宮門上馬忽傳呼侂
胄至扈從者卻入歛板甚恭逢吉不揖而去會部中會食吏
密報優人王喜除閣職逢吉卽言於上前效朱侍讀進趨以
儒爲戲者豈可令汙閣職卽抗疏力爭之同列密以告侂胄
時王喜之命實未出遂以誣詆出知太平州丐祠提舉江州
太平宮起知贛州以疾納祿除集英殿修撰致仕自號靜居
士未幾卒賜諡獻簡廕一子鏊瑞金尉有靜閱居士文集七
十卷行世弟逢年逢辰皆以文名時人目爲孫氏三龍祀鄉
賢祠

宋史參府志

明

李九疇字建用十六都人永樂丙戌進士授湖廣道監察御史
會福建奏倭寇登岸詔選才御史督官軍勦捕廷以九疇爲

可至則悉擒獮之尋監黃州金治措置有法人多便之丁內
艱服闋改山東道陞四川敘州府知府致仕

蕭啟字斯陽號安素三廂人宣德丁未進士授山西道監察御
史巡歷所至豪猾膽落民甚德之正統庚申陞山東按察司
僉事激濁揚清雪理冤抑尋奉勅勸募賑濟宣佈德意勸恤
有方乙丑擢都察院右僉都御史鎮守河間尋改鎮居庸關
景泰辛未聞父喪兩疏乞守制不許復上疏力言乃許之服
除改山西巡撫奏免逋負減邊運以甦民艱募富民出粟米
以實邊儲凡政有利不利者罷行惟宜乙亥入覲仍命巡撫
山西丙子疾作章兩上得致政歸葺盤窩書院爲逸老居嘯
吟其中以自適薛瑄爲作歸盤窩歌祀鄉賢祠

項廷吉字天祐號漁浦七廂人嘉靖壬午鄉舉授浙江安吉州

學正擢國子監助教丁外艱服闋勅試貴州監察御史巡視
北京西城嘉靖壬寅秋上幸曹妃宮寢酣宮婢金英等以組
繫上頸謀弑皇后聞變馳救星夜召吉進內庭斬宮人數百
詔並曹妃殺之勅令巡察馬政兼巡糾北直真定保定河間
四府復巡按山東首發東昌知府貪婪奏毀淫寺勦滅妖僧
齊竹瑞等凡千餘人陞四川布政使司左參議轉貴州兵備
提督都雲兵餉副使當緬甸犯永昌騰越巡撫劉世曾薦雲
南迤東守備劉繼爲遊擊將軍進討詔命吉監軍遂率繼等
擒岳鳳父子往攻蠻莫平服獻俘晉階大中大夫苑馬寺正
卿駐劄陝西總管山東山西河南直隸等處馬政處置有方
政績在人耳目因不附嚴黨乞致仕吉通籍三十餘年遇事
勤敏不避權貴受勅書九道解組林下五年而卒所著有漁

清詩集平蠻地輿圖祀鄉賢祠

張啟元字應貞號文峯東南坊人嘉靖壬子鄉舉知山東滕縣
滕故衝疲爲之釐圉政蠲積逋清戶口禁盜溺民以大甦三
年召入爲福建道監察御史上疏諫止大內馳騁論宰相張
居正奸邪指摘近侍李芳馮寶親暱竊柄當防其漸一時聲
動朝廷四十二年添設湖口新廠抽分船料其地峭石巉巖
洄流衝激泊舟候權者多觸石墜魚腹中怨聲載道啟元應
詔陳言切指其害請罷廠又言廠不可罷卽請改設於大姑
塘去危就安詔從所請至今嘉賴之尋命管理屯田隆慶二
年巡歷鳳陽時有中官趙芬假兵符護皇陵兼管南畿各衛
屯營凶殘無忌賍私累萬金啟元爲剪奸疏劾其十罪上悉
嘉納特書獨立敢言四字賜之明年遷福建僉憲比至有墨

吏善自彌縫啟元徑以法繩之不爲制撫所撓逮予告歸里
以壽考終狀元焦公竝爲表其墓所著有務本錄宗範宗譜
明光起草等集

郭維經字六修號雲機三十二都三溪人天啟五年進士授行
人崇正三年遷南京御史疏陳時弊中有所舉刺帝責令指
實乃極稱順天府尹劉宗周之賢力詆吏部尙書王永光谿
刻及用人顛倒罪帝置不問六年秋溫體仁代周延儒輔政
維經言執政不慮無才患有才而用之排正人不用之籌國
事國事日非則委曰我不知坐視盜賊日猖邊警日急止與
二三小臣爭曰舌角是非平章之地幾成聚訟可謂有才耶
帝切責之以憂去久之起故官北都變聞南都諸臣有議立
諸王者維經力主福王王立進應天府丞仍兼御史巡視中

城俄上言聖明衙極將二旬一切雪恥除寇收拾人心之事
絲毫未舉今僞官縱橫於鳳泗悍卒搶攘於瓜儀焚戮剽掠
之慘漸逼江南而廊廟之上不聞動色相戒惟以漫不切要
之務盈庭而議乞合所外文武諸臣洗滌肺腸盡去刻薄偏
私及恩怨報復故習一以辦賊復仇爲事報聞尋遷大理少
卿左僉都御史命專督五城御史察非常清輦轂明年二月
隆平侯張拱日保國公朱國弼相繼以他事劾罷維經回籍
唐王稱制召爲吏部右侍郎順治三年五月

大清兵圍贛州王乃晉維經吏兵二部尙書兼右副都御史總
理湖廣廣東江西浙江福建軍務督師往援維經與御史姚
奇允募兵八千人入贛州與楊廷麟萬元吉協守及城破維
經入嵯峨寺自焚死祀忠義祠

見明史

江西通志云保國公朱國弼言維經署大理事駁僞防禦
使武懷素執法之官甘心庇逆乞重懲聽勘回籍 吉安
府志云崇正時維經晉南京河南道御史歷巡江屯田馬
政恤屬吏寢權勢時畱都屬郡頻年災祲而秦晉寇禍方
起維經連疏請蠲積逋賑災傷 又云中軍都督撫甯侯
朱國弼倚勳貴驕蹇不法維經劾其罪放銓宰王永光黜
陟徇私維經糾之上奪永光官並黜其所推節鉞卿寺若
而人及防江飭保甲練民兵州邑長實心任事者上其蹟
皆得顯擢故人樂於自效後丁內艱歸屢薦不起復奉嚴
旨趣再任南臺維經亦念獻賊鴟張而畱都根本地措置
柔機宜乃強起就道民間維經至無不舉手加額維經亦
盡屏威罰勤化導每朔望召耆民皆列坐撫慰如家人弟

子城守力役今一二鄉耆人諭意出則相率舉指弗絕違
畱都多無賴子與奸民互黨誑奪富人財官不能禁維經
初任饒其尤者數人咸攝其威不敢肆維經爲人曠達無
城府至事關天下利害輒義形於色居鄉恂恂延接後學
如修城池創復形勝正官斛均驛傳邑人至今賴之 廬
陵太史歐陽齊云公劾權相周延儒疏凡三上有願斬延
儒以謝天下復斬臣頭以謝延儒之詔 又云宏光時召
補台垣權相馬士英薦阮大鍼知兵公劾之云大鍼於先
帝時名在逆黨今日起用非陛下所以待先帝並非輔臣
所以待陛下疏上被遣歸

國朝

周壩字伯諧號韻亭西溪人乾隆辛未進士授河南淇縣令居